

privationem usus rationis sine causa inducit ; malitia vero alcoolismi in eo potius consistit quod frequens usus bibendi alcoolicos liquores grave detrimentum sanitati importat. Sub hac consideratione determinanda est ejus malitia.

Thesis

Alcoolismus seu habitus frequenter bibendi alcoolicos liquores, etiam sine ebrietate, prohibetur a lege naturali, et est vitium temperantiae virtuti oppositum, ideoque aliquid intrinsece malum.

Prima pars

Lex naturali obligat ad vitam servandam ideoque prohibet quidquid laedit integritatem corporis, et sanitati notabiliter adversatur. Atqui alcoolismus, seu habitus frequenter bibendi liquores alcoolicos, etiam sine ebrietate, notabiliter sanitati adversatur, prout ex recensitis effectibus ejus apparet. Ergo alcoolismus a lege naturali prohibetur.

Secunda pars

Omnis habitus, inclinaus hominem ad utendum alimentis contra rectae rationis praescripta, est vitium temperantiae oppositum, ideoque aliquid intrinsece malum. Temperantia enim est virtus quae inclinat hominem ad cibaria capienda cum moderatione a recta ratione praescripta, quae